



7. juni 2016

Inatsisartuni suleriaasianni § 37 naapertorlugu Naalakkersuisunut imaattumik apeqquteqarpunga.

Naalakkersuisunut apeqqut.

**Naalakkersuisuni aalisariutinik inuttalersuinermi nalunaarut nr. 13. ulloq 17. November
2011-imeersoq § 2 aamma § 3 malillugu inuttat pingasunullusooq agguagaasut
allanngortinnissaa eqqarsaatigineqarnerluni?**

(Inatsisartuni ilaasortaq Siverth K. Heilmann, Atassut)

Tunngavilersuut.

Qulaani nalunaarummi pineqartumi imatut imaqrpoq: 1. Naalagaq 2. Aquttut 3. Igasoq/pilittaq 4. Qaavani sulisut pisortaat (trawl bass) 5. Fabrik-imipisortaq (fabrikscehf aamma fabriksformand-it).

Immikkoortoq 2-imipisortaq (Maskiinalerisut). Taakkua tamarmik nuna allamiusinnaatitaapput soorunami nunatsinniillu.

Immikkoortoq 3. Inuttat allat, tassaasut aalisartutut isigineqartartuput, taakkuli tamarmik ukiuni kingullerni marlunni, Kalaallit Nunaanni najugaqarsimasussaatitaapput aammalu akileraarsimasussaatitaallutik. Taamaattorli, ilinniarnermut atatillugu, qaammatini 14-ini sivikinnerusumik nunani allamiikkallarsimasut, nunaqavissutut isigineqarnerat allannguuteqarneq ajorpoq.

Nalungilara inuttat aqumiunik taaneqartartut nalunaarut malillugu minnerpaamik 60 % -itii maani nunaqartutut isigineqartussaasut (tassa nunaqavissussatut piumasaqaataavoq) taamaattorli piumasataanngilaq, aqumiut pinngitsooratik maani nunami namminerisaminnik illoqarfegarlutik

angerlarsimaffeqassasut. Pisutaaneruvoq inuit nalunaarsorsimaffianni (folkeregister) nalunaarsorsimassasut ukiunilu marlunni kingullerni nunatsinnut akileraartussaatitaassasut.

Assersuutitut Royal Greenland-ip namminersortullu kilisaataanni, inuttat aqumiutut taaaneqartut amerlanerpaartaat RG-ip angerlarsimaffiani namminersortulluunniit (aqquserngup aqqanut) nalunaarsoqqapput. Pinngitsoorani nunatsinni najugaqartussaatitaanermik (angerlarsimaffeqarnissaat) piumasaqaateqartoqanngimmat inuillu eqqartukkagut 130 missaaniissimappata amerlaneruppataluunniit, aningaasarpaassuit annertoqisut nunatta avataanut annissuunneqartartut qularutissaanngilaq.

Taamaattumik nalunaarummut pineqartumut Naalakkersuisut allannguiteqartitsiniarnersut apeqqut manna atorlugu ingerlatippara. Neriutigalugulu ullut qulit suliffisusut iluanni akissuteqarfigineqarumaarlunga.